

小峴山人詩文集

小峴山入詩集卷六

無錫秦 瀛凌滄

車之京師有作

說到之官一惘然輕裝卽問潞河船重拋猿鶴辭三徑  
却拜松楸慟九泉誓墓何時營丙舍循陔往事失丁年  
回頭更抱鵠原痛空憶姜肱共被眠

四十過頭鬢似銀軟紅重踏六街塵中年乞祿違微尚  
別語關心重故人白社難忘揮麈日青山大有著書辰  
初心肯負歸田約早向林間墜角巾

舊別故鄉親友

小雅山人詩集 卷之五 一  
似裝將遠行灑淚別丘墓未得營田廬復此去親故憶  
昨銜恤歸春秋感霜露艱難卜窀穸哀哀有餘慕一椽  
寄隣瓦聊以棲婦孺同懷各旅食奔走不遑聚故人漸  
凋零晨星亦可數歲時通殷勤戶外錯扉屢如何又長  
征褰裳懷往路梅花照離席別酒樽在御蓉湖水氣昏  
青山口已暮出門謝送者一步一回顧

雜詩四首

貧賤無長策重登夜雨船江關辭故國離別過中年已  
卜丘間壠難謀郭外田長安愁索米慙媿出山泉  
夜泊黃河岸亂鳥啼向晨蓬窗耿殘燭荒忽夢雙親剩

有牽衣恨而非捧檄身浮生還道路無復倚門人  
有弟同顏天年來淚萬行死喪併骨肉契闊況他鄉自  
古天難問斯人命竟妨故園春草徧寂寞永相望  
苦作貧家婦艱辛仗爾持病纏愁弱女學廢惜諸兒復  
此將雛去難爲采藥期扁舟八口在偕隱正何時

爲徐朗齋表弟題九峯草堂圖

君客晉陵久九峯開草堂階前種松樹裊裊藤蘿長飛  
泉在屋頂流出山花香我亦此中住歸夢梁溪旁

偕朗齋話五湖舊游却寄俞生坊

五湖雙槳在昨夜夢滄浪煙雨一爲別水雲空自涼秋

生菱葉浦日映藕花莊却憶紫芝好新詩聊寄將

朗齋復出芙蓉湖上讀書圖屬題卽用其自題原

韻

之子東海客吳淞煙水深攜將玉峯月來臥膠西

膠山

西林前明安氏別業也朗齋依外家居吾邑之張涇適隣其地巖邊紫桂發洞口青蘿

陰讀書衡茅下感慨彌盈襟憺園委荒榛瓦礫埋斷琴

屋竄驚鼯跡樹叫哀禽音太息雍門奏百年幾銷沈惟

餘竹素在萬卷稱書淫高樓緬傳是

傳是樓爲健菴先生藏書處

卂

德庶可尋

咏燕

生愛繁華住雕梁故故依舊誇門戶盛今訝主人非辛  
苦尋新壘蒼涼失舊扉可知千仞表黃鵠只高飛

寄山中人

巖邊小小縛茅亭日日呼童刷茯苓岸幘時沾嵐氣白  
芒屨亂踏蘚痕青窗前摩詰芭蕉畫架上龜蒙耒耜經  
似此閒居閒亦得莫教猿鶴惱山靈

夢中作

散步臨清流水割湘江綠天風吹明月亂掃入深竹何  
處尋幽人寒燈出茅屋

雨中渡青石梁

雨挾萬山奔峯巒對面蹲馬蹄愁徑滑人影墮雲昏水  
石爭雙峽風雷鬪一門招提聊小憩客思與僧論

典桓道中奉寄家叔父平涼

紫塞秋深木葉紅一年離思逐崕峒亂山匹馬燕雲北  
古郡斜陽隴水東鴈影遙連沙磧暮笳聲寒起戍樓空  
焚香簾閣多清暇應有音書寄北風

擁傳羌人拜馬頭雄疆此日領諸侯黃河水繞秦關出  
白月天懸漢塞秋十載勲名思羽箭叔父前以守  
臨清論功萬山  
歸夢入松楸年來負土辛勤意盼斷南雲笠澤流

小泗弟之官豫章以詩志別

不恥折腰賤爲貧聊一官弟兄三十載此日別離難升

斗痛何及脊令悲已寒

謂士

京華對牀處後夜一燈殘

先人持節地遺蹟古名邦

先舜舉公會巡撫南贛

左蠡雲連郭西

山翠逼窗風流逢大阮煙雨話章江

時從叔姑齋先生主講豫章書院

努力緬前軌登臨志未降

我有煙霞癖中年少宦情雲雖離岫遠泉似在山清黃

橘秋風社白鷗春水盟區區曾誓墓極目一峯橫

先君子葬

邑之橫山

爾去經鄉國柴門九塢邊蒼涼尋菊徑泣涕拜松阡望

遠思兄劇持家仗婦賢之官莫畱滯急上大江船



雙塔峰

塞山千萬疊，朶朶開芙蓉。遙從碧雲裏，劈下雙蓮蓬。  
鑿破混沌竅，湧現舍利宮。夾立大荒表，萬古磨青銅。  
日精與月魄，中有一綫通。造斲詎人設，鐫鑿疑鬼工。  
小者戍以削，大者頤而豐。剖不勞巨靈，移豈煩愚公。  
千仞攬身上，吾欲凌罡風。絕頂俯秋色，蒼茫連螭螭。  
造化渺難測，一笑詢鴻濛。

述夢

明月照廣庭，暮宿長城下。魂夢踰關河，恍惚返親舍。  
親言兒歸來，努力勤加餐。訝我顏面瘦，憐我衣裳單。  
煦煦

如平生那知隔泉路醒來不成寐泣涕零如雨

送同年方葆巖郎中隨征臺灣兼示范攝生郎中

二首

使相動星辰旌麾度八閩飛書連鐵騎草檄仗詞人  
饒吹軍中樂烽煙海上塵相逢國門外立馬話逡巡

節鉞聲名舊曾參幕府勛

謂葆巖尊人恪敏公

書生能報國海外

復從軍帳下依裴令行間共范雲風帆鼉背穩早晚捷  
書聞

懷顧晴沙先生時主講東林書院

先生中歲便懸車蜀棧洮雲入夢賒海內能詩推顧況

門前問字得侯芭  
夜春秋煮紅蓮稻  
午飲春分綠雪芽  
倘許他年同入社  
名山重訪辟疆家

送友南還

秋風滿京國  
日夕思吳淞  
故人從此去  
歸卧雲間峯  
我有萬古月  
挂在西神松  
憑君一相問  
谷口尋煙鐘

九日簡張訥菴

九曲河頭聽暮笳  
蒼茫獨立鬢先華  
卅年未醒炊粱夢  
萬里誰乘貫斗槎  
海國山川飛赤羽  
邊城風雨負黃花  
一尊爲問吳張翰  
萸餠秋來可憶家

寄施漱六

黃葉蕭蕭亂打頭，如何不起故園愁。知君家住蓮湖岸，閒看秋山獨倚樓。

五湖催上木蘭舟，紫鱗黃花醉晚秋。可憶塞垣騎馬客，西風殘照懶回頭。

送同年李少鶴之粵西二首

冠蓋滿京雒，素心惟爾同。三年看白帽，

余與少鶴前後居憂少鶴甫服

闕雙鬢攬青銅。滄海浮萍聚清尊，舊雨空聽君彈別鶴。握手復匆匆。

昔宰山水縣，迢迢粵嶺西。重茲綰符去，八桂暮雲齊。春雨舞鸚鵡，春風鳴竹鷄。京華舊侶在，應寄數行題。

憶昔行贈龍川

憶昔我作金陵游逢君道上披紫裘西風攔上城南樓  
醉呼孫楚恣拍浮城南明月今如昨爾我情懷頓蕭索  
憔悴長安知幾春白眼高歌望寥廓空山歲月悲啼蛄  
頭顱五十非壯夫旣不能肩負鋤又不能手執爰千秋  
亭上坐太息舊游零落高陽徒回首當年頗豪放火色  
鳶肩氣騰上千金結客五陵旁說劍談詩亦神王烏虜  
丈夫失意安可論趙州有酒澆荒墳令人卻憶平原君

寄高葆川

夫君不得志高臥莫釐峯教讀餘殘卷登臨倚短筇白

衣山鳥恠青笠野僧逢莫問長安客秋來霜鬢重

公退

公退了無事荒齋小似船夕陽秋在水疎夢淡於禪習  
懶防人過耽幽選地偏閒來煮茗罷鄰樹一聲蟬

寄眉州牧趙少鈍

新蟬已咽露華秋不見詩人趙倚樓美爾政成西蜀地  
半輪山月夢眉州

欲向西風趁急裝檀州東去塞雲黃前年記得相逢處  
立馬殷勤話夕陽

寄孫中丞香巖二首

中丞遙在日南天籌策頻紆百粵邊鼠鬪已馴新白雉  
龍驤曾壓古朱鳶炎方兵氣消蠻弩荒徼潮痕上駱田  
撫馭從來本無外太平長此息戈鋌安南事竣香  
巖旋節桂林  
記向山村話薜蘿甲辰冬香巖假還  
里門適余在籍故人持節鬢初皤  
泥丸遠跨唐都護銅柱重標漢伏波八桂風雲歸大雅  
九霄星斗映明河時香巖將  
監臨秋試好憑儀部傳消息謂典試  
方葆巖  
同年南望灘江秋水多

題梅花圖卷

夜來清夢落西湖竹屋荒陂見幾株放鶴船歸花似雪  
寒泉一盞薦林逋

題唐六如集後

善哭唐衢曠代才一生詩酒墮塵埃紙錢澆酒胥門道  
曾向桃花墓上來

偶閱宋遺民谷音集題後

殘衫破帽夢觚稜頭白遺民話廢興落日銅駝思晉闕  
秋風石馬問唐陵醉來天地惟歌哭亂後滄桑剩友朋  
禾黍悲涼詩卷裏紙窗山鬼暗吹燈

聽雨軒

清陰碧四圍種得琅玕竹昨夜雨蕭騷夢向湘中宿

送從叔萬舟歸梁溪



京雒頻年住歸與及暮春鶯花三月好鮭菜五湖新官  
比鄭虔冷叔需次廣文家安孟氏貧倚閭凝望眼況有白頭

親

骨肉難爲別離堂酒易終病添多患後春老亂愁中風  
雨三江渚煙蕪半畝宮棠梨寒食候上冢憶龐公

淀河舟中雜咏

東風催放蠡平聲吾船七十二淀波迴漩絕似江南好風  
景一枝柔艣破春煙

酒旗風影隔船招窄窄輕衫短短橈何處重尋蘇主簿  
夕陽紅上赤欄橋

白雲春港接滄瀛海上朝來蜃氣生  
昨向麻姑新覓酒  
柳陰濃壓卵兮城  
日日輕陰暗綠蕪  
溼雲如墨雨如酥  
東風吹徧桃花水  
直送春帆到直沽

懷鄉二首

吳儂家住白雲村三月剛宜燕到門  
寄語甕頭新酒熟  
梨花春社一開罇

芙蓉湖上雨廉纖  
泛泛輕橈蕩碧奩  
別後黃婆墩畔水  
相思重爲故人添

望海樓

八山詩集 卷二  
津淀連三輔蒼茫海上樓天應浮析木地欲坼瀛洲楊  
柳僊人市帆檣估客舟魚龍看畫舞風雨暝如秋  
是日看龍舟

題張適園後食堂詩橐

夜雨春寒燭屢挑風懷淡蕩薄龐豪時人漫擬西岷體  
誰識幽情續楚騷

欲話三生證宿因夢中飛絮雨中塵紅蕉裏盡相思淚  
我亦江南舊恨人

題適園哭女詩後

適園女名阿端適園昆陵莊氏聞其父當遠戍憂鬱成疾適園旋

釋歸

盼斷長江雙鯉魚  
晉陵軍到綠窗虛  
憐君一掬昌黎淚  
秋雨秋風哭女孀

誰向京華問起居  
君詩字字淚痕餘  
可知聖主恩如海  
不用金閨救父書

送適園之任江左四首

泥爪紛紛認舊因  
一官佐郡又從新  
知君劇愛江南好  
天與湖山作主人

尚書舊第汴河壩  
經過家園莫惘然  
適園曾祖清恪公舊第已沒於水

大婦能詩小婦豔  
相攜同上郭門船

我有江南屋數間  
別來長日閉柴關  
何時約爾西齋宿

臥看城西一角山

偶然直暇對茶鐺雨歇西林夢未成  
吹滿離愁吟篋裏  
數竿簷竹作秋聲

王霽山明府出示胥江飲餞圖蓋文竺塢爲霽山  
曾王父司農公祭告禹陵還過吳門時作圖中祖  
餞者二人張匠門惠仲孺題卷者朱竹垞也輒賦  
長句題其後

胥江六月水漲天茶磨山色涵空煙司農使節禹陵返  
青簾油幕胥江邊東吳才彥半門下出郭祖餞乘吳船  
匠門詞人紅豆客金閶亭外迎旌旃入饌細斫太湖鱸

堆盤閒剝橫塘蓮爲言司農產河嶽執經大儒入室賢  
司農受業湯文正之門下士折節徧海內宜有名輩相流連竺塢  
爲圖水雲皺竹垞題字蛟螭纏轉眼韻事已百載圖畫  
奕葉今還傳北平大尹司農後烏衣馬糞家風縣畫長  
茗飲出此卷飄然意已凌飛仙於時天氣近八月空堂  
雨過芭蕉妍把卷裴裊再三讀勝流舊蹟如目前嗟余  
先人玉堂侶王楊妙墨輝松篁先高祖宮諭公圖卷甚富皆王石谷楊子鶴手  
筆季父攜至臨清適構王倫之亂燬於火華嚴歷劫竟磨滅珠還合浦無因  
緣因看此卷重歎息湖山佳客長年年

秋海棠

小塘山人集卷六  
露滴空階月色寒有人獨自捲簾看相思何處尋秋夢  
薜荔牆西蟋蟀閑

送潘蓉臯農部還吳門

廿載一遷秩悠然還故山人辭雙闕遠夢入五湖閒杞  
菊新栽圃魚鰕舊釣灣因君動幽興吾亦念柴關  
君返胥江口歸帆指九峯應過二泉上一問六朝松老  
屋在其下白雲深幾重頻年怨猿鶴何日更支筇

雜詩二首

道路多嘉樹不如故山芝長安盛交游不如夙昔期之  
子余舊侶踈踈走京師聚首甫彌月忽復與子辭我方

適古塞征衫動涼颼計當我歸日會合未可知淼淼具

區水一棹隨鷗旦他時還里門訪爾東山陲時與高葆川別余之

灤河葆川將還吳

同直劉給事諱之未老歸北邙同年瑞閣學保相繼悲

淪亡王鵬柴模兩舍人天歿亦可傷鼎鼎百年內人命

誰能長我齒漸已衰幸未萎晨霜莫嫌宦不達莫笑錢

空囊且沽桑落酒自慰聊一觴

右軍旅館有作余於是七過此矣

關外西風踏幾回蕭蕭木葉又相催月斜城上三更笛  
雨暗樓頭獨客杯隣寺殘燈吟絡緯塞垣秋夢冷莓苔



故園兄弟無消息想得江南菊正開

晚宿古北口

去年今日過古北馬上一鞭搖夕陽今年下馬復投宿  
明月已上秦時牆古來邊塞此重鎮斥埃戍火迷鰲房  
勝朝將帥制閹寺議兵議餉紛披猖龍蛇齟齬閱人代  
行人猶說舊戰場有時樵牧拾遺鏃天陰雨溼燐吐芒  
事往時平絕銛鏑白頭兵臥礮碌旁關外居民盡畊塋  
黍稷登隴秋雲蒼松棚低罇豆花白瓜架斜連楓葉黃  
荒城露下亂蟲語倦客一枕西風涼

馬上作

睥睨秦城壯邊關巨鎮牢人寄雲礪窄月上雪山高虎  
跡交深徑溪聲吼古壕曉來頻駐馬霜重壓征袍

感懷二首

先子授經地長松百尺高痕留太古月聲吼峽江濤一  
與虬髯別相思鶴夢勞孤兒吟望裏風雨助悲號味外松閣古

簾外雪初壓黃梅開幾枝每當殘臘候常與素心期老  
幹依茶塢寒叢亞竹籬何時碧山隱花下重題詩永思齋素

心騰梅

陳伯恭學士招集寓齋卽席賦贈伯恭爲宜興陳定生先生後人

久依外氏  
居商邱

嚴飈獵獵霜樹枯天意作雪雲模糊商邱學士解愛客  
寒夜折柬相招呼邸齋瀟灑退朝暇木石絕類西陂居  
琳琅卷插鄴侯架蕉雪几映王維圖明燈燭宵似清晝  
甕頭墨露酒來直沽鮮鱠遠自遼海致切玉疑斫松江  
鱸主人嗜酒誇大戶老羌渴飲傾百觚酒闌跌宕論文  
史一一騷雅供爬梳近來曹公數詞伯嵇阮不作悲黃  
壚時曹習菴學士新歿毛萇多病又乞假行將買棹還東吳毛雨香侍  
御以病告假人生行樂貴作達故交星散堪欷歔君家距我  
僅百里河橋咫尺通艤艫銅官山翠碧玉簪罨畫水色

青油鋪迦陵天才黨人後詞賦卓犖雄萬夫如爾外氏  
本雪苑勝朝門第推司徒壯悔堂中舊公子文采零落  
風流徂尊前與爾話疇昔酒闌搔首同嗟吁孝侯高臺  
信陵宅一例陳跡空啼烏霜天漠漠月淡淡三更漏滴  
銅龍壺

飲馬長城窟

飲馬長城窟黃河凍不流寒沙連絕塞朔吹動幽州笑  
擁胡姬臥狂呼醉尉遊健兒好身手射虎北山頭

估客樂

曾作襄陽估今還向雒陽家臨倚頓里兒是羽林郎挾

瑟多名伎彈箏有浩倡錢刀重如此辛苦事青箱

古歌

今人非古人今月猶古月今月照北邙不照古人骨

程也園見貽近作冬筍水仙二律用韻荅之

彈龍忽解甲鄉味此登盤剖出冰紋淨分來玉版寒此  
君飽香色俗物異鹹酸夢到蒼簋塢春時長幾竿  
綠淨湘江水春風入夢寒移將置盆石只合伴琅玕一  
菊清泉薦七弦滄海彈如逢趙子固冰雪寫毫端

春莫招同鮑丈若洲嵇丈笠軒家漪園端崖集飲  
借樹軒漪園兄成詩一律依韻有作

醅酥新開鴈羹香親朋好與話江鄉身依人海輒塵闊  
夢繞煙花愁思長縱使青燈同命酒未堪白髮尚爲郎  
何時却泛蓉湖水歸釣魴魚尺半強

若洲爲余作碧山吟社圖竝繫以詩余用其韻亦  
得四首

蒼蒼碧社九峯煙十老鬚眉拓剡箋已歷華嚴千劫在  
風流重話孝宗年

吟社在蕙山之麓明成化宏治間先  
貞靖公偕同邑諸老倡和其中時號

碧山十老  
社久廢

畫裏貪看紫翠重那拚踪跡別雲峯年來夢繞春申澗  
一髮青山暮雨封

尊前兄弟話松扉

謂漪園兄  
端崖弟

故國吟壇展齒稀  
寫出煙

巒當招隱九峯猿鶴待人歸

何日林邊卜築新  
東風搖蕩綠蘿春  
吾家舊事從頭說  
詩社重添得幾人

若洲將南歸相國稽公延畱邸第不果行以詩貽之

讀畫看山屋幾椽  
君拋鄉里近三年  
重開東閣梅花候  
遲去南帆暮雨天  
白髮功名應晚達  
緇塵京國亦前緣  
乘潮別有長風便  
莫憶江村穉稻田

徐朗齋自齊豫來京師應禮部試喜而有作卽用

其貽王鐵夫原韻并簡鐵夫

昨夜梅花落春寒酒正中故人千里至今日一尊同餽  
裏梁園雪衣邊渤海風清狂遇疊首莫共歎飄蓬

朗齋以水仙倡和圖冊子索詩輒題長句

君本江南客最憶江南花荷齋手種得幾本雪霜翦翦  
含春葩幽香一盞浸春水寒壓冰魂呼不起夜深化作  
白雲飛飛入琴心七弦裏七弦泠泠清復清月中仙佩  
來瑤京何人貌得蕭騷致長與詩客聯芳盟我爲看花  
情脈脈家住江南歸未得一枝合薦水仙王西神峯下  
寒泉碧



與若洲話舊

故國頻年斷履綦素衣京雒竟成緇五湖春水流歸夢  
三月花風颺鬢絲老去佳人猶未嫁愁來名士只工詩  
高山一曲誰能賞漫把黃金鑄子期

小岷山人詩集卷六

小峴山人詩集卷七

無錫秦 瀛陵滄

春陰

春陰連十日寒食不知春燕子冷如客杏花愁殺人懶  
將書帙廢病與道心親却憶江南好東風白袷新

答施雪帆表弟

雪帆遠別不告別途中却賦畱別詩時逾六月始寄我  
開緘悵悵令心悲君言近客章江浹脩脯未足供妻子  
又言我官久不遷鳳凰少食輸烏鵲嗚呼鼠肝蟲臂何  
足道惟有令名以爲寶人生鼎鼎百年中容顏容易成

枯槁憶笄歲已亥君來遊京師蘭陵黃生則才最奇腕

底天矯蟠蛟螭與爾頗莫逆上下雲龍隨爛醉長安酒

樓上狂呼驚殺長安兒黃生一朝赴黃土中條歸骨滄

江湄君吟四十頭尚漆下筆還堪萬人敵男兒致身會

有期空山雷蟄驚霹靂豫章南望江水深思君不見愁

余心滕王閣上見余季爲余一寄平安字

時舍弟小  
泗官江右

### 題顧眉生蘭竹

簣簣个个影便娟帝子愁生北渚烟翠袖天寒脩竹裏

有人辜負在山泉

寫出騷人九畹蘭幽香翦翦伴檀藥個中大有靈均怨

應恨尚書未解看

陳桂堂農部招同鐵夫朗齋兩孝廉集飲讀書齋

卽席有作

長安投轄得陳遵高館東風燕壘新綠酒紅燈三月飲

青衫白帽六朝人夢殘金粉休論舊

朗齋談素  
淮舊事

看到鶯

花又餞春好爲羣公補脩禊不須愁過采蘭辰

爲鐵夫題蒲團小影

我貌清癯山澤人人道前身老僧是鐵夫之貌瘦比余  
置身合在蒲團裏五戒應知玉局蘇如來定化青蓮李  
三十年光一刹那湖海才名滿人耳偶謁京華十丈塵

拋却雲龜墮泥滓青鞋布襪不稱意愁眉那得生歡喜  
好向蒲團證淨因身似菩提心似水人間會有兩蒲團  
拈花一笑吾與子

鮑若洲丈暨楊蘭圃徐朗齋兩表弟同過訪若洲  
并以西神讀書圖見示時蘭圃朗齋皆以下第將  
南還

官身難得似閒身十日關門却掃頻範水模山迂叟畫  
焙茶挑筍故園春三生慧業歸文士萬古離憂到美人  
爾我近來皆學佛江湖被酒是前塵

余與朗齋皆止酒而過和余詩有江

湖病酒十年人之句

題趙承旨蘭竹

夢斷蒼梧斑竹枝幽香零落楚江薜憐他地老天荒後  
不寫宗周舊黍離

爲蘭圃題秋林讀書圖圖爲鮑琴齋作

君家老屋近北郭九峯秀色簷前落涼颺瑟瑟萬樹秋  
木葉紛紛逗簾幕君也讀書聲琅然左右圖史森陳編  
齒垂四十始鄉薦頻年一第仍無緣卽今席帽長安道  
塵沙沒踝傷君抱回首青山映草堂徒懷煙際松蘿好  
琴齋山人作此圖秋林罨靄雲模糊我爲看圖重惆悵  
故園三徑半荒蕪

西山道中

西山白雲滂欲歸林嵐一帶鎖依微隔花酒旆招游展  
夾礪溪流濺客衣壞道麒麟前代冢夕陽魚唄老僧扉  
浮生便擬抽簪好十載塵勞悟昨非

碧雲寺

入寺鬚眉綠曉雲衣上生天浮雙塔迴石與亂泉爭委  
鬼銷殘劫維摩住化城言尋翠微去前路有鐘聲

先大夫葬吾邑之橫山地濱溪湖邱壑絕勝將以  
他年築廬墓旁顏曰橫山丙舍先屬曹丈友梅作  
丙舍圖若洲丈見而題之卽用其韻誌之

勝地同陽羨何時却買田人懷三畝宅夢遠五湖天風

木悲前事烟霞緬昔賢

山有雪浪菴宋蔣文忠重珍讀書處

分明沙上鷺

招我石塘邊

山近石塘橋

### 送若洲丈歸里兼寄響泉先生

江邊白雲影日日待君還雙鬢看烏帽孤筇問碧山陶  
潛松徑古杜甫草堂閒時有故人至柴扉莫上關

### 題鶴道人小像

鶴道人者余齊年生高密李君憲喬也道人工  
詩嘗令粵西之岑溪以古人之治治其民民皆  
悅之自署爲鶴道人云



我識鶴道人乃在東海間游戲攬八極昨自蒼梧還海  
風吹君懷白鶴相與間我願從之遊日上之栗山

重陽前一夕張訥齋招飲賞菊

昨得津門鱉招余罄一觴人如漢京兆花有晉柴桑  
北青天月江南白鴈霜登高定何處明日是重陽

言臯雲比部齋中消寒索題石鼓文漫成三十韻  
我生性鹵莽不耐考金石浮湘遺岫嶠游堯失鄒嶧既  
壯入太學獵碣在頻壁寓目過不留舊蹟輕一擲何人  
得此本跟肘露點畫維君文學裔好古有奇癖蒼沮窮  
茫昧斯邈窺奧蹟衝寒訪君齋敗葉響蕭瑟室懸石鼓

文光射雪色壁蝌蚪脫白科蛟螭纏几席我思岐陽蒐  
番吾泐遺迹形模逼史籀音訓傳潘迫蜿蜒字堪捫趨  
趨狀如覲在昔陳倉埋篆體半磨蝕轉徙到汴雒不隨  
夏鼎厄烟塵屢頽洞風雨未銷泐歷劫數昆明閱世間  
銅狄摩挲煩神阿斷缺疑鬼裂不知婆羅碑隋氏且搜  
剔石鼓何獨遺棄置等飯甕自從貞觀後蘇李互求索  
昌黎更推崇作歌荅張籍胡然漁仲輩聚訟漫排斥或  
謂祖龍製或曰宇文刻楊慎號淹洽傳會費尋繹君真  
博雅者星宿手椅撫四百六十字羣疑必能析寒宵爐  
火然嚴更盡漏滴撫髭搜枯腸磨硯研凍墨詩成慙五

缶蹉跎重太息

贈徐五午亭

徐五六月來長安爲我細述行路難夔門浪惡艱險  
性命一擲輕羽翰浙右才華汝無比折腰不恥緣斗米  
宦游落拓更見斥才人命薄真如此憶昔日下攜施讐  
謂亡友施喜亭同年狂歌酣飲長安樓當時意氣頗豪放一別已  
化風中漚中間變幻那堪說施讐不作歸泉穴爾我餘  
生亦可傷麻衣共灑皋魚血金臺重此話平生示余詩  
卷何縱橫燈前握手如夢寐潦倒濁酒還同傾西風颯  
颯吹白髮斷送韶華換曉鷗人間富貴安足多且看明

月升東壁

爲全秋濤太守題出塞圖

高秋大漠邊草枯波羅

地名

九曲蒼駕呼麇麇竄谷虎交

徑涼飈獵獵飄黃蘆憶昨扈

蹕出古塞與君結隊同

馳驅塞山莽莽塞雲黑朶顏一角秋模糊橫鞭遙指畫

眉嶺山石礧礧還縈紆斜日欲落忽照眼楓葉亂綴紅

珊瑚河流泱泱不敢渡我方竚立空躊躇看君策騎意

殊壯吟肩高聳掀髯鬚健兒袴褶躡馬後手射獐血彎

雕弧下馬招余恣拍飲燈明列帳傾醍醐君今去作八

閩守甌越南歷無諸郭蘆門杯溪互環映島嶼百恠森

瞻矚時平海國樂耕織黃堂靜鎮民歡愉僧繇妙墨虎  
頭筆爲君更寫褰帷圖

題周梅圃觀察遺照

代雲黥黥隴樹黃顙石娒娒江煙荒公轍所至稱桐鄉  
荔子蕉葉羅酒漿畏壘尸祝民不忘梓里寂寞悲沅湘  
洞庭猿啼滿岳陽竹枝斑斑楓林長山鬼不于吟秋霜  
騁望廣莫叩闔閭公魂庶幾在帝旁手鞭虬螭驂鸞凰  
招公歸來浩茫茫哀歌楚些涕泪滂虔展遺貌鬚眉蒼  
髣髴瞻拜登公堂寧木末兮蘭杜香貽之世世傳芬芳  
爲張兵曹得園題仙巖對奕圖

千尋紫翠涵松杉，鉄壁峭削芙蓉巖。銀河倒瀉捲飛瀑，  
中有茅屋懸空嵌疑是古鴈宕。鬼斧丹梯劃得毋天都，  
峯日月雙丸銜。仙人對奕柯已爛，花果吹墮驚蟾蜍。  
畫圖似此頗奇絕，意仿黃鶴超尋凡。新詩題罷付張耒，山  
靈笑我還朝衫。

送陳桂堂農部出守辰州二首

頻年同省闈，相送楚江西。關峯連三戶，雲烟入五谿。  
觀風雜夷獠，行部徧畊犁。公暇攤書坐，官齋聞竹雞。

君去逢衡鴈，三湘木落時。秋風武侯壘，夜雨竹郎祠。  
夢逐辰江遠，書探酉洞奇。故人思曩在，傳語寄相思。

謂初  
齋學

使

荆軻山

一劍將軍首千秋壯士歌青山橫督亢白日冷滹沱屠  
狗衣冠盡幽燕感慨多龍門太史傳猶爲惜荆軻

易州

鐵嶺立如鉄高城萬仞間飛狐穿紫塞巨馬絡巖關弓  
劍龍髯在旌旗虎旅間風雲百神會佳氣護橋山  
過德州雜咏

平蕪蹀躞馬蹄驕無棣春來雪乍消昨夜鬲津河畔柳  
東風吹綠廣川橋

蘇羅國王成古上澹烟一抹入齊州紙錢寒食棠梨雨

亂捲飛花撲馬頭

是日清明

微波新縐水鱗鱗幾點沾衣雨似塵紅杏村邊沾墨露

春醪醉煞杜亭春

盧德水世灌自號杜亭主人

當代風流說侍郎搔爬騷雅繼漁洋銜泥零落紅襟燕

誰認臨溪舊草堂

少司農田山薑先生舊有鬲津草堂

靈巖寺

方山一名

不識方山寺遙聞林際鐘空巖動雷雨危石挂杉松崖

臥袈裟冷

詩有鐵袈裟石

雲開齒著濃朗公不可見石丈許相

從



漢柏

一氣包東岳青青接大荒根株老冰雪人世閱滄桑翠  
壓秦封古陰畱漢峙蒼百靈風雨集時有怒螭翔

對松山

忽墮海雲裏萬松皆碧痕濃陰涼石壁古翠接天門夾  
礪風雷吼蒼厓日月昏羣仙齊抗手相對兩忘言

壺天閣

玲瓏丹閣闢僊都疑入層霄俯八區十二樓臺懸日月  
三千世界在蓬壺欲收滄海環圓笠盡揖諸峯入覆盂  
我欲朝真驂鶴背翠雲嶽頂動虛無

徂徠山

我經徂徠山長松在山麓昔時巢父輩於此隱巖谷六  
逸傳竹溪溪風蕩寒綠但見溪雲生不見溪上竹幽鳥  
向人語雨後山更綠春陰連嶽祠吾當訪明復

泗水

春樹叫春禽春泉流到今應浮陪尾磬疑擊師襄琴澹  
澗消塵鞅空明見道心如聞尼父歎川上有遺音

鐵尚書祠

盛庸兵敗竟何如南國江山痛革除此地燕師曾轉戰  
水聲猶哭鐵尚書

分水

楊花和雨打船頭送盡輕帆汶水愁  
葉葉春風吹向北  
鄉心空是逐南流

過東昌悼亡友鄧午厓進士

微子城邊水滔滔去不同  
登牀君竟已挂劍我重來絕  
少孤雛祭空餘宿草哀遺文  
求孟六不忍付殘灰

光嶽樓

迴躡飛樓下界開  
魯門風雨挾奔雷  
城陰近轉河流去  
雲氣遙吞嶽色來  
秀麥三春微子國  
射書終古仲連臺  
颿櫓北指垂楊岸  
不見江南首重回

爲朱滄湄題知樂圖

一曲青溪長桃花流水香夫君狎莊惠乘興卽濠梁夜  
雨通春港烟潮上釣牀新安江上好濯足擬滄浪

送婦弟朱麗皋下第南歸四首

再到京華近十春聯牀絮語一燈親莫教輕墮青衫淚  
百尺樓終置此人

草堂風雨授盤餐春燕歸時夢已殘回首松楸何限感

廿年舊事話悲酸

曩外姑鄭孺人招余爲麗皋授經甲辰春余自京師還里外姑已前沒

底事湖山負夙期一官老我鬢如絲昨宵夢泛洋溪櫂

十里烟波伴釣師

麗皋家邑之洋溪

長安木落鴈初飛  
白髮高堂盼爾歸  
外舅南廬先生今年七十  
羨殺西風片帆裏  
亂山斜日指柴扉

歲暮書懷六首

兒女燈前聚盤餐  
賀更生

時予大病初起

病餘百事嬾  
悟後萬

緣輕白業參來淨  
黃金鍊未成  
如聞畫圖裏  
山鳥勸歸

畊

余近作歸畊圖

日日望鄉書艱難  
一字無殘年  
憶親舊飛夢落江湖  
別墅疎吟屐荒齋擁藥爐  
青山還未買  
終擬學潛夫  
我羨九峯好  
山中樂事饒  
琴聲泉落磴  
碁響鶴歸巢  
帶露餐松屑  
鋤雲種藥苗  
園翁與谿友  
雲外共招要

薄宦看頭白將衰欲拂衣梅花催送臘茆屋苦思歸老  
去名心淡愁深酒力微祇應慙伯玉五十未知非  
有弟虔州住迢遙十八灘哦廳安小縣手板滯卑官風  
雨松楸隔家鄉骨肉寒兩人同一感涕淚集千端  
逐逐東華路家園廢杖藜斜陽歸晚騎殘月趁晨雞之  
武身非壯莊生物已齊鹿門終有約采藥挈山妻

寓齋雜咏

下直歸來便讀書平生結習未全除西山一角斜陽墮  
盡日無人問索居

牆根新護竹籬笆籬畔丁香已放芽更覓半弓閒隙地

數株添種碧桃花

夢回庭院雨闌珊  
簾卷東風破曉寒  
憶與故人同翫賞  
海棠花壓玉欄杆

瀟灑臨溪老屋存  
半陂春水鴨知門  
此時好放鸕鷀艇  
楊柳昏黃月映村

六街積雪凍經旬  
二月長安不見春  
料得江南此時節  
風風雨雨更愁人

山簡清狂記昔年  
接鄰頻倒習池邊  
近來止飲如元亮  
不問牀頭貰酒錢

狼籍朱門食肉場  
烹葵舊識菜根香  
家風自愛齏鹽好

不是清齋學太常

猿猱絕壁挂蒼藤夢坐芙蓉最上層已向佛門稱弟子

頭銜合署在家僧

迹余夢坐一巖作跏趺狀壁上鐫芙蓉巖三字

寄辰州守陳桂堂

劇喜音書到日邊故人作宦楚南天石龍古峕分猗部  
金馬荒祠入箐烟紫蕨丹砂山驛裏綠蘿黑蝶郡樓前  
知君判牘還多暇嗟罷蠻姬乞剡箋

洪同生太史錄其伯兄素人守順德時過柏鄉之  
雨花菴遺詩見示素人兄弟皆由制科出身仲氏  
先沒余同年生也輒和二首



憶昔邢州守官清似古人投簪如脫屣撒手便離塵泥  
爪遺詩在鶯花野寺春料應題壁候早悟去來因  
伯仲論交契當時獻賦人卅年懷舊雨萬事總成塵蕉  
鹿生前夢棠梨壟上春京華逢叔子絮語話緣因

笠軒丈於寓齋雜植卉木護以竹籬賦此贈之

誰伐楚江竹編來翠一房藏身在人海清夢入瀟湘低  
罨莓苔石斜連薜荔牆錯邊茶正熟坐客藥闌旁

上巳日送張農部魯堂乞養歸桐城

相國文端公  
曾孫文和公

孫

被襖節逢三月三

禁城楊柳絲  
穆穆故人還鄉過我

別片舸明日抽雲帆舒州門第數君最年來手板同朝  
參爲郎忽忽漸白首將母夢寐思江南一紙陳情謝簪  
綬野服便著荷芰衫潞河南下涉汶濟如鳥脫笱馬脫  
銜天門徑上指皖口龍眠山色青於簪 賜金園在萬  
峯裏垂雲古汴開烟嵐憑檻朝光射竹栝撲簾夕翠涵  
松杉白華侍養有餘暇正好邱壑窮幽探只余送君重  
怙悵情深千尺桃花潭他時長江有雙鯉憑君好我通  
瑤函

送萬正亭歸武進

萬事驚看兩鬢非病中握手淚沾衣親知似爾難言別

歲月如斯又送歸浩蕩江湖懸客夢團圓兄妹憶荆扉  
煩君重鼓梁谿櫂爲訪松阡上翠微

余屬正亭修橫山先大夫塋

由玉泉山至香山道中有作四首

雨後衆陰綠不知朝日晴閒看石甕口流出玉泉清隔  
隴稻苗長沿溪荷葉生暫教塵夢醒磔磔水禽聲

監國何年事西山土一坏改元異靈武惡謚等泉鳩讖  
驗全寅卜謠成雨帝愁荒陵餘宰樹寂寞叫鵲鷗

明景帝陵

在玉泉山

名藍尋臥佛曲徑轉修蛇磴仄時妨馬潭空不礙沙雨  
濃肥石菌日暖熟松花欲覓閒僧去遮留煮雪芽

覆轍悲前代官家任內閣驛騷紛礦稅鈎黨甚髭鉗陵  
谷荒榛蔓衣冠古墓潛千秋誰抗疏佛寺剩松桷碧雲寺爲  
魏聞葬衣冠處康熙中張御史瑗疏毀之

寄外舅南廬先生

麀眼籬邊白板扉家鄉惜別願多違一官於世誠無補  
五畝何時却便歸泉石定如前度好湖山應笑宿緣希  
朝來林鳥殷勤勸素髮從公理芟衣

感舊

回頭萬事總淒然秋蟀春鷗十六年腸斷怕尋前度夢  
劫殘難望再生緣空山有碣埋荒蘚流水無聲入舊絃

休唱人間可哀曲淚枯何地灑重泉

哭高葆川

并序

葆川與鮑丈若洲皆吾邑名諸生與余折輩行  
交而兩人者皆不遇歲戊申若洲以試事自粵  
西來京師葆川亦從津門至寓余邸舍報罷後  
葆川先歸教授洞庭山之翁氏若洲年已六十  
餘旋病余亟勸之歸歸不半年遽歿葆川少若  
洲數歲髮雖白而素無病豪氣猶昔乃近有鄉  
人以書來云葆川亦於庚戌冬歿於館塾其弟  
子爲之殮去若洲之亡數月耳悲夫猶憶葆川

歸後寓書於余曰老屋數椽殘破不可居庭前  
古桂婆娑生意都盡不啻代爲寫照嗚呼夫孰  
知葆川竟至於死耶

又哭高常侍滔滔感逝波首邱戀南國弟子憶西河白  
髮知交盡青袍涕淚多翻憐庭畔樹此日尚婆娑

### 廣仁嶺

仄徑出古塞潑面皆雲嵐羊腸九折坂登降愁羸驂端  
倪頓軒豁一綫開嶄巖俯視得平地灤水潌澄潭萬山  
在足底不辨青與藍嶺際有老屋知是松間菴橫策倚  
松樹偃蹇疑彭聃遙海擁初日乍吐晨光暹松梢露猶

滴佛火明幽龕

答楊比部六士見贈之作卽和其韻

比部楊君六士余初識於濟南客舍爲余言其  
先大瓢山人以詩名高不事之節有大瓢圖藏  
於家少時家貧母太夫人親爲授經比太夫人  
歿六士作授硯泣硯兩圖以誌痛余聞其言而  
重之繼而六士官於朝與余過從甚密遇有  
隨從之役余又輒與六士偕六士承家學亦以  
詩名而性愛交游座客常滿余以是益重六士  
今年夏同爲塞外之行六士贈余以詩余用韻

走答竝述顛末

歷下逢君臭味親比來連軫動經旬  
燈前破硯孤兒淚  
畫裏團瓢大海塵  
杜甫耽吟應更瘦  
孔融愛客不知貧  
一尊風雨邊城夕  
共是嶽崎歷落人

贈王比部荔園

敬哉先生之曾孫先生子  
爲怡園相國今園久蕪矣

春明舊夢了無痕  
落日秋瓜宰相門  
客散賭碁安石墅  
家傳賜笏魏公孫  
新陰濃李連三畝

荔園分校禮闈洪  
編修亮吉王庶常

蘇皆出其門

古徑長松對一尊  
知爾能詩追老輩  
百年風雅

與重論

先高祖宮諭公嘗偕朱竹垞姜西溟陳  
迦陵諸公集敬哉先生邸寓賦詩紀事

輓沈芷生進士



鉄夫爲余言芷生進士自山左歸歿於里中余始未識芷生因鉄夫屢道其才而余表弟徐朗齋亦嘗以芷生詩示余頗心識之上年余隨蹕山左芷生以獻賦至相見於泰山之麓談彌日今聞其死重感芷生之才而天也賦此以示鉄夫

歎逝年來涕淚傾逢君也哭沈初明金閨月落烏啼斷玉塞秋高噩夢驚死後銘旌唐進士身前橐筆魯諸生小莧山下才人塚應懺浮名悟淨名

簡王鉄夫五絕句

狂名此日滿京師磨蝎纏宮定數奇似汝容華真絕代  
那教人不妬蛾眉

百年身世竟如何冷月空烟挂薜蘿莫唱黃雞催曉曲  
燈前愁損病維摩

平生豪氣倚長虹別有柔腸賦惱公看爾青衫多少淚  
不關兒女卽英雄

不成仙佛不漁樵挾瑟王門總寂寥夢裏楞伽無限好  
短篷撐過虎山橋

欽夫自號楞伽山人旅寓睿親王邸

浮湛薄宦誤微名四大飄然一笠輕安得便尋彭尺木  
木犀香裏話無生

彭尺木進士棄儒學佛與欽夫交善

塞上

天半長城亘蒼涼指塞垣橋崩風落石沙圻水成村飲  
馬窟何處飯牛人出門百年閒戍火耕墜古風存  
月落戍樓西殘燈黯復低邊聲喧曉角客夢亂荒雞獨  
宦易成感秋風況又淒南飛應有鴈憑寄一行題

送楊六士讞獄之遼東

去向邊門路遼陽我舊經壘荒沙石裂鏃蝕土花腥滄  
海連雲黑秋山入鴈青知君乘傳處列埃雨冥冥

聞從叔萬舟之官金山訓導賦此寄懷

獨去由拳路郵籤過五茸湖光吞鴈鶩海氣雜魚龍祿

薄盤餐儉裝輕襪被重詩書吾道在咫尺況吳淞

夜坐

破窗缺月上蘿薜冷邊牆萬感集中夜一燈非故鄉  
蠅緣敗壁蝙蝠掠虛廊夢逐南飛鴈迢迢到草堂

晚行

暝色恐行客秋風喧默鈴危橋山驛暗小市店門扃  
月黑聞人語林深帶虎腥羸驂暫投宿孤擁一燈青

寄張訥菴學使

風雨颯高館長沙天一方故人持節處遙在洞庭傍  
爾采夫容好我懷蘭杜香三秋隔湘水獨鴈去衡陽

衡嶽雄南紀秋來紫翠重登臨  
躡天柱日上祝融峯  
蚪篆雲邊石蛟蟠寺頂松  
湘帆看曲曲萬壑一聲鐘

戲贈鉄夫續題其蒲團小影後

拋却圓蒲不作佛日向長安走壁  
躡時人已化繞指柔  
百鍊剛腸尚如鉄防身長劍  
峻崆峒劍氣時時吐虹蜺  
蕤賓躍冶鉄花舞奇響雷轟動  
寥泝前身想是楊鉄厓  
橫吹鐵笛山石裂不然劉器之後  
身鉄漢錚錚汝其埒  
旣不能如東方七尺傲倚金馬門  
復不能嚴道銅山探  
銅穴磨穿鉄硯徒爾爲中夜狂歌  
唾帝缺十二州鉄鑄  
大錯似我前車悲覆轍我攜鉄棒  
汝醒說法應須廣

長舌頭陀終著鉄袈裟合掌低眉大歡悅

題徐霞客小像

生年近半百五嶽止登一譬如蠶縛絲纏裏頗縮瑟安  
知九州外荒誕極塊北東游越山海邊塞偶游歷獨躡  
醫巫閭滄溟俛渤碣西睇崑崙山鳥道渺一髮往者阿  
侍郎阿必達探源青海窟歸來自蒲昌詳晰爲余說曾捫

北極石崖壁皆斬絕壁上爲天池黃金醞澤沸便思鑿  
空游欲往阻天末側聞霞客氏高節古遺逸筇屐恣汗  
漫規外記弭轍隻身數萬里羸糧祇一鉢絕險偃獺獮  
梯幽諧麇麇奇搜鄺元經遠乘博望笈直窮星宿澥望

見外方剝瀾翻作游記環恠入不律眼底若米聚掌上  
若紋列風雷外噴薄日月中蕩潏維時勝朝季運丁陽  
九厄君從漳浦遊縞紵比僑胥條然脫網罟甘採薇與  
蕨遙遙思其人風流僅髣髴何期見斯圖玉貌儼面覲  
果是餐霞侶飄飄有仙骨昨宵展再四鐙影照荒忽敗  
葉響枯林寒窗叫秋蟀歎息人間世微塵等蠓蟻濡毫  
題子像并以示老鉄謂王鉄夫

題讀畫山人遺冊

夢墮西神峯懸厓挂飛瀑不見所思人秋林壓茅屋  
硯滌池均蘚滑茶烹松底泉香拄杖看雲谷口蕭蕭葉

打斜陽

讀畫山人畫絕無遠宗王綬迂重來看畫秋蕭瑟  
月落黃公舊酒壚

寄從叔岵齋先生

先生七十鬢如霜老臥微雲舊草堂

微雲堂先生所居也

天爲吾

宗存碩果人教後輩識靈光朱幡萬里蠻荒守青瑣頻  
年畫省郎一笑浮名俱昨夢朝朝拄頰九峯蒼

送龔海峯明府還任平涼二首

報最三年到上京驪歌復此動離聲尊前風雪人將別  
隴外畊桑政已成羽箭新傳唐代壘

時以征廓爾喀大兵方由甘肅赴藏



河湟舊識漢家營塞垣不久畱龔遂漿酒徒煩父老迎  
松阡回首共傷神淚盡臯魚慟鮮民漳海雨昏青嶂斷  
湖山烟鎖綠蘿春雞豚有待重聯社鵝鴨何妨更惱鄰  
十笏墓田無恙在畫圖空自夢閒身

海峯與予皆有誓墓之志近爲余題

橫山丙舍圖及之

小峴山人詩集卷七